



REPUBLIKA E SHQIPËRISË  
BASHKIA E QYTETIT  
KORÇË

Nr. 3811 Prot  
3

Date 07.09.2016

Lenda: Miratim nenkontraktimi

Shoqerise "AD-STAR" sh.p.k

Adresa: Rruga "Perlat Rexhepi", Pallati Unikon, kati II, Apartamenti 9

Autoriteti Kontraktor. Bashkia Korçë, mbasi u njoh me kerkesen tuaj per te nenkontraktuar shoqerine "G.J.Group" sh.p.k per te kryer punime qe korrespondojne me 40 % te vleres te kontrates me objekt "Restaurimi i objekteve të pazarit Korçë, Loti2" dhe mbasi shqyrtoi paraprakisht dokumentacionin ligjor te kesaj shoqerie mbeshtetur ne Udhezimin e Ministrit te Turizmit, Kulturës, Rinisë dhe Sporteve Nr.446, datë 5.7.2007 "Per miratimin e dokumenteve standarte te konkurrimit publik per restaurimin e monumenteve te kultures" miraton nenkontraktorin e propozuar nga ana juaj per realizimin e puneve te caktuara ne aktmarreshjen e nenkontraktimit me Nr 6210 Rep dhe Nr 5227 Kol date 20.07.2016.

Percaktimet e mesiperme nuk prekin pergjegjesite kryesore te Kontraktorit ndaj Institucionit Publik, per te cilin nenkontraktori mbeten pale e tretë, kundrejt marrëdhënies kontraktuale ndërmjet Kontraktorit dhe nenkontraktorit te tij dhe duke e lënë operatorin ekonomik kryesor pergjegjes per zbatimin e te gjithë kontratës, pavarësisht se një pjesë e saj zbatohet nga nenkontraktorët.

Per sa me siper Kontraktori do te jete pergjegjes kundrejt Institucionit Publik per zbatimin e te gjithë kontrates .pavaresisht nga sjellja e nenkontraktorit.

TITULLARI I AUTORITETIT KONTRAKTOR

SOTIRAQ FILO





REPUBLIKA E SHQIPËRISË  
BASHKIA E QYTETIT  
KORÇË

KONTRATË SIPËRMARRJE

Lidhur sot, më datë 16 /10/2014, midis :

**AUTORITETI KONTRAKTOR:**

Bashkia Korçë, Rruga "28 Nentori", perfaqesuar nga Kryetari **Z.Sotiraq Filo**, i quajtur me poshte Investitori.

Dhe

**KONTRAKTUESI:**

*Bashkimi i shoqerive "Meni" shp.k, me adrese me adrese Tirane , Rruga Teki Selenica,NIPT J61909018W dhe "Ed Konstruksion" sh.p.k me adrese Tirane,Rr.Frederik Shiroka,NIPT K61625001I,c perfaqesuar me prokure te posacme Nr.4107 Rep dhe Nr.663\1 Kol date 03.09.2014 nga shoqeria "Meni"sh.p.k, e cila perfaqesohet nga administratori **Z.Niat Liçi**, i mëposhtë quajtur "Sipërmarrësi";*

**Neni 1**

**Baza ligjore**

1. Kontrata do te qeveriset dhe interpretohet sipas ligjeve te Republikes se Shqiperise.
2. Kontrata hartohet ne baze te dispozitave ligjore te parashikuara nga nenet 659 dhe ne vazhdim te Kodit Civil ligjit 9643 date 20.11.2006 " Per prokurimin publik "i ndryshuar dhe VKM Nr 1 date 10.01.2007 « Per miratimin e rregullave te prokurimit publik "i ndryshuar.
3. Dokumentet e tenderit jane pjese perberese e kesaj kontrate.

## Neni 2

### Objekti i kontratës

Objekti i kësaj kontrate është sipërmarrja me objekt: **“Qendra për mbrojtjen dhe promovimin e kultures”**



## Neni 3

### Vlera e Kontratës

Kontrata lidhet me një vlerë totale : **49.302.893** (dyzet e nente milion e treqind e dy mijë e teteqind e nentëdhjetë e tre)lek.

*Vlera e kontrates do të financohet nga buxheti i Fondi për Zhvillimin e Rajoneve me dy vite buxhetore 2014-2015 në përputhje me celjet nga Ministria e Financave (Dega e Thesarit).*

## Neni 4

### Afati i Kontratës

Afati maksimal i përfundimit të punimeve është **6 muaj** nga data e lidhjes së kontratës.

## Neni 5

### Gjuha e Kontratës.

Gjuha në të cilën përpilohet kontrata është Gjuha Shqipe.

## Neni 6

### Përkufizime

6.1 “Preventiv” janë vëllimet e punës të plotësuara me çmime, pjesë përbërëse e ofertës.

6.2 “Skica (vizatimet)” përfshijnë projektet dhe të dhëna të tjera të paraqitura ose të miratuara nga Autoriteti Kontraktor për përmbushjen e Kontratës.

6.3 “Mbikqyrësi i punimeve” është personi kompetent i emëruar nga Investitori dhe që i është njoftuar Sipërmarrësit, i cili është përgjegjës për mbikqyrjen e realizimit të punimeve dhe administrimin e kontratës.

6.4 “Drejtor Teknik i Punimeve” në objekt është personi i aprovuar nga Autoriteti Kontraktor, përfaqësues i Sipërmarrësit, përgjegjës për kryerjen dhe përfundimin e punimeve, për të cilin Sipërmarrësi është i detyruar t’i konfirmojë Investitorit emrin e tij.

6.5 “Specifikimet” janë karakteristikat e punimeve të përfshira në projektet e zbatimit në dokumentat standarte të tenderit dhe çdo modifikim ose shtesë e bërë dhe e miratuar me shkrim nga Investitori.

6.6 “Afati i realizimit të punimeve” do të thotë data që Punët duhet të përfundojnë siç është shprehur në Grafikon për realizimin Punimeve, e vërtetuar nga autoriteti kontraktor.

6.7 “Çmim kontrate” do të thotë çmimi që i paguhet kontraktorit sipas kontratës për zbatimin e plotë dhe të përpiktë të detyrimeve të tij kontraktore.

6.8 “Realizimi i punimeve” do të thotë data e vërtetuar nga Invesitori se Punët janë mbaruar.


6.9 “Defekt” do të thotë çdo pjesë e Punimeve e paperfunduar në përputhje me kontratën.

6.10 “Pajisje” do të thotë makineritë dhe veglat e kontraktorit të sjella përkohësisht në kantier për realizimin e Ndertimeve.

6.11 “Materiale” do të thotë të gjitha furnizimet, duke përfshirë ato të konsumit, të përdorura nga kontraktori për kryerjen e punimeve.

6.12 “Objekt i kontratës” do të thotë të gjitha Punët që sipërmaresi do të sigurojë sipas kushteve të kontratës.

6.13 “Palë(t)” do të thotë nënshkruesit e kontratës.



6.14 "Autoritet Kontraktor" do të thotë Autoriteti Kontraktor që është pjesë e kësaj kontrate dhe që kontraktori punët objekt i kësaj kontrate. Ky term kudo që përdoret ka kuptim të njëjtë me atë të perkufizuar në ligj.

6.15 "Kantier" do të thotë vendi fizik i Punimeve.

6.16 "Nënkontraktues" do të thotë çdo person fizik ose ligjor ose kombinim i mësipërm, që furnizon Punët, materialet ose pajisjet për ose në emër të sipërmarësit.

6.17 "Kontraktor" do të thotë personi fizik ose juridik që është palë e kësaj kontrate dhe sipas dispozitave të kësaj kontrate siguron Punimet.

6.18 "Standarte Teknike" do të thotë specifikimet e aprovuara nga një trup i posaçëm standartizimi për zbatimin e vazhdueshëm ose të përsëritur. Standarte të tilla përdoren si rregulla, rregullore ose perkufizim të karakteristikave për të siguruar se materialet dhe shërbimet e procesuara i përgjigjen qëllimit.

6.19 "Ngritja e kantierit" do të thotë punimet e ndërtimit të perkohshme, të ndërtuara e instaluar, që janë të nevojshme për zbatimin e punimeve të ndërtimit.

6.20 "Punime" ( *te cilat do të kryhen në masën 70 % nga shoqëria "Meni" sh.p.k dhe 30% nga shoqëria "ED Konstruksion" sh.p.k kjo sipas Aktmarreveshjes për krijimin e bashkimit të operatoreve ekonomike Nr 4106 Rep Nr 662\1 Kol , date 03.09.2014* ), do të thotë ajo që Autoriteti Kontraktor i kërkon nga kontraktori të gërmojë, ndërtojë, riparojë, rinovojë ose instalojë siç parashikohet në dokumentat e tenderit duke përfshirë shërbimet në lidhje me to, gjithashtu të perkufizuara në dokumentat e tenderit.

## **Neni 7**

### **Komunikimi**

7.1 Komunikimi midis palëve duhet të bëhet vetëm me shkrim në adresat e deklaruara nga palët, në rast se ka ndryshim të adresës palët janë të detyruara të informojnë për çdo ndryshim. Njoftimi bëhet efektiv vetëm pasi të dorëzohet.

## **Neni 8**

### **Prona Intelektuale**

8.1. Me përjashtim të rasteve kur parashikohet ndryshe në kontratë, të gjitha të drejtat e pronës intelektuale të siguruar nga Sipërmarrësi gjatë zbatimit të kontratës do t'i perkasin Investitorit, i cili mund t'i përdorë ato sipas gjykimit të tij.

8.2. Me përjashtim të rasteve kur palët bien dakort ndryshe, Sipërmarrësi, pas përfundimit të kontratës, duhet t'i dorëzojë Investitorit të gjitha raportet dhe të dhënat si hartat, diagramët, skicimet, specifikimet, planet, statistikat, llogaritjet dhe regjistrat mbështetës ose materialet e fituara, mbledhura ose përgatitura nga Sipërmarrësi gjatë zbatimit të kontratës. Sipërmarrësi mund të mbajë kopje të këtyre dokumentave dhe të dhënave, por nuk duhet t'i përdorë për qëllime që s'kanë lidhje me kontratën pa leje paraprake me shkrim nga Investitori

8.3. Sipërmarrësi duhet të garantojë Investitorin zhveshjen nga përgjegjësia për shkelje të të drejtave të pronës intelektuale që mund të dalin nga përdorimi i materialeve, skicave ose çdo prone tjetër sipas kontratës.

8.4. Në rast se ngrihet ndonjë pretendim ose padi kundër Investitorit në lidhje me ndonjë shkelje të pronës intelektuale të shkaktuar nga zbatimi i kontratës ose nga përdorimi i materialeve, skicave ose çdo prone tjetër të mbrojtur të furnizuar sipas kontratës, Sipërmarrësi duhet t'i japë Investitorit të gjitha provat dhe informacionin në posedim të tij që kanë të bëjnë me këtë padi apo pretendim.

8.5 Në përfundim të punimeve sipërmarresit duhet të dorëzojë investitorit në formatin DWG të gjitha punimet e ndërtimit që ka kryer (as built)

## **Neni 9**

### **Mbikqyrësi i Punimeve**

9.1. Mbikqyrësi i punimeve do të jetë personi i perzgjedhur nga Titullari i Autoritetit Kontraktor me anë të një kontrate të vecante.

9.2. Detyrat e mbikqyrësve të punimeve burojnë nga aktet ligjore dhe n/ligjore në fuqi dhe detajohen në kontratën e shërbimit që do të lidhet me këta të fundit.



9.3. Në rast se mbikqyrësi do të ndryshohet, Investitori njofton menjëherë Sipërmarrësin.



## Neni 10

### Personeli i Sipërmarrësit.

10.1. Sipërmarrësi do të punësojë vetëm personelin e deklaruar në ofertë për kryerjen e funksioneve të parashikuara në programin e miratuar nga Mbikqyrësi i Punimeve. Mbikqyrësi i Punimeve do t'i propozojë Investitorit për të zëvendësuar personelin kryesor, vetëm nëqoftëse kualifikimet dhe aftësitë e tyre të nevojshme janë baraz ose më të larta se ato të personelit të përcaktuar në ofertën e Sipërmarrësit.

10.2. Në qoftë se Mbikqyrësi i Punimeve i kërkon Sipërmarrësit që të largojë një person, i cili është anëtar i personelit ose i fuqisë punëtore të Sipërmarrësit, duke theksuar arsyet. Sipërmarrësi do të marrë masa për të siguruar që personi në fjalë të largohet nga kantieri i punimeve brenda 72 orëve dhe të mos ketë më lidhje me punën e përfshirë në kontratë.

10.3. Drejtor Teknik i Punimeve do të jetë :**Z.Niat Liçi**

Detyrat e Drejtorit Teknik të Punimeve janë si më poshtë:

- Zbatimin e objektit konform projektit dhe kushteve teknike të zbatimit;
- Dokumentacionin teknik që është i detyrueshëm të mbahet në objekt;
- Korrespondencën zyrtare me Mbikqyrësin e Punimeve;
- Ecurinë e zbatimit të punimeve konform plan organizimit dhe grafikut të punimeve;
- Është i pranishëm në të gjitha fazat e realizimit të objektit: zbatimin e punimeve, dorëzimin dhe kolaudimin e objektit.

10.4. Në rast se ndryshohet Drejtori Teknik, Sipërmarrësi duhet detyrimisht të lajmërojë Mbikqyrësin e Punimeve i cili ve në dijeni Investitorin.

## Neni 11

### Detyrimet e Sipërmarrësit

11.1. Sipërmarrësi do të kryejë punimet në përputhje me projektet e ndryshimet e miratuara, dhënë nga Investitori dhe në përputhje me K.T. të zbatimit të R.SH. – së

11.2. Drejtori Teknik i Punimeve në kantier, është i detyruar të mbajë ditarin e objektit, ku do të përfshihen të gjitha punimet e kryera dhe urdhërat e dhëna për zbatimin e projektit. Ky ditar në çdo kohë do t'i vihet në dispozicion Mbikqyrësit të Punimeve, grupit të Kolaudimit dhe Investitorit.

11.3. Sipërmarrësi do të kryejë punime me nënsipërmarrje pasi të ketë marrë miratimin e Investitorit. Marrëdhëniet e n/sipërmarrjes do të rregullohen nëpërmjet një marrëveshjeje, e cila përcakton qartë nënsipërmarrjen dhe në çdo rast është e detyruar të respektojë të gjitha detyrimet e kontratës së sipërmarrjes. Përgjegjësi ndaj Investitorit mbetet gjithmonë Sipërmarrësi kryesor i punimeve.

11.4. Sipërmarrësi ka për detyrë të ruaj projektin dhe të mos e përdorë atë në objekte të tjera jashtë këtij tenderi. Gjithashtu, të mos japë asnjë informacion (botim artikujsh, apo fotografish) mbi ecurinë e punimeve pa lejen e Investitorit.

11.5. Sipërmarrësi është i detyruar të marrë të gjitha masat për kufizimin e ndotjes së Abjentit, duke përdorur të gjitha mjetet në dispozicion.

11.6. Sipërmarrësi është i detyruar të përdori të gjitha mjetet e sinjalistikës rrugore për punime në rrugë me qëllim disiplinimin e trafikut të mjeteve dhe kalimtarëve në objektin e ndërtimit.

11.7. Sipërmarrësi është i detyruar të pajisë punonjësit e tij në objekt me uniforma, në të cilat të jenë shprehur shenjat dalluese të shoqërisë Sipërmarrëse.

11.8. Në rast të mosrespektimit të dispozitave të parashikuara në pikat 11.5.-11.7 të mësipërme Mbikqyrësi i punimeve i bën njoftim Sipërmarrësit për respektimin e detyrimeve të shprehura më lart. Në rast se Sipërmarrësi nuk merr masa brenda 10 ditëve nga marrja e njoftimit atëherë Mbikqyrësi i punimeve i propozon Investitorit aplikimin e penaliteteve në masën e caktuar në legjislacionin Shqiptar në fuqi, penalitete të cilat do të mbahen nga situacioni pasardhës që do të paraqiten për likuidim.



## Neni 12

### Testimet dhe Inspektimet

12.1. Sipërmarrësi është i detyruar që me shpenzimet e veta të kryejë provat laboratorike të materialeve që do të përdoren në objekt, si dhe provat e kampioneve të marra nga objekti në përputhje me udhëzimet e dhëna nga Mbikqyrësi i Punimeve.

12.2. Sipërmarrësi duhet të bëjë të gjitha testet dhe inspektimet e kërkuara nga dispozitat e kontratës kosto e këtyre testeve dhe inspekteve duhet të financohet tërësisht nga Sipërmarrësi, brenda kushteve të çmimit të kontratës.

12.3. Investitori gjithashtu duhet t'i kërkojë Sipërmarrësit të bëjë teste dhe inspekte shtesë të pa parashikuara në kontratë, por të gjykuara të nevojshme për të vërfikuar se ndërtimet janë konform specifikimeve dhe kushteve të kontratës.

12.4. Investitori do të refuzojë çdo punim ndërtimi që nuk e kalon testimin dhe/ose inspektimin ose nuk është konform specifikimeve teknike dhe kushteve të kërkuara në zbatimin e kontratës.

12.5. As egzekutimi i testeve, as inspektimi i punimeve të ndërtimit nuk do ta lirojë Sipërmarrësin nga çdo garanci ose detyrim tjetër sipas kontratës.

## Neni 13

### Ngritja e Kantierit

13.1. Sipërmarrësi do të mbajë përgjegjësi për skicimin e Ngritjes së Kantierit.

13.2. Sipërmarrësi duhet të paraqesë të gjitha planet për Ngritjen e Kantierit tek Mbikqyrësi i Punimeve për shqyrtimin dhe miratimin e tij.

## Neni 14

### Zbulimet

14.1. Çdo gjë me interes historik ose me vlerë të konsiderueshme e zbuluar papritur në kantier do të deklarohen për të vepruar konform legjislacionit në fuqi. Sipërmarrësi duhet të njoftojë Mbikqyrësin e Punimeve për ndonjë zbulim të tillë dhe të ndjekë udhëzimet e mbikqyrësit të punimeve për procedurën e administrimit të objekteve.

## Neni 15

### Sigurimi Teknik dhe mjedisor

15.1. Sipërmarrësi është përgjegjës për sigurinë e të gjitha aktiviteteve në kantier duke zbatuar masat korrigjuese dhe rregullat e sigurimit teknik për të gjithë personelin sikurse përcaktohet në legjislacionin Shqiptar.

15.2. Kontratori do të sigurojë kantierin në mënyrë të tillë që të minimizojë dëmtimet e mjedisit. Për shembull, ai duhet të kursejë energjinë, ujin dhe burime të tjera, të reduktojë humbjen dhe të minimizojë përdorimin e substancave varfëruese të ozonit, çlirimin e gazrave, Lëndët e përbëra organike të rezikshme dhe substanca të tjera, që dëmtojnë shëndetin dhe mjedisin.

## Neni 16

### Rreziqet e Sipërmarrësit dhe Forca Madhore

16.1. Sipërmarrësi ka për detyrë të përballojë të gjitha shpenzimet që mund të dalin nga data e fillimit të punimeve deri në fund të periudhës së garancisë për difektet që mund të shfaqen në objekt sipas të dhënave të kontratës. Sipërmarrësi deri në përfundim të punimeve do të përballojë rreziqet për shkak të dëmtimeve të personelit, vdekjes dhe humbjes ose dëmtimit të pasurisë (përfshirë pa kufizime punimet, materialet dhe pajisjet, kantierin e ndërtimit si dhe objektin e ndërtimit).

16.2. Sipërmarrësi nuk do të mbajë përgjegjësi për humbjen e sigurimit të kontratës jo për fajin e tij, dëmeve të likuiduara ose ndërprerjen për mosplotësim nëse dhe deri në masën që vonesa në zbatim ose



ndonjë dështim tjetër në zbatimin e detyrimeve të tij sipas kontratës vijnë si rezultat i ndodhjes së Forcave Madhore.

16.3. Për qëllimet e këtij neni "Forcë Madhore" do të thotë një ngjarje jashtë kontrollit të Sipërmarrësit dhe e paparashikueshme. Ngjarje të tilla mund të përfshijnë, por nuk janë të limituara nga, veprimet e Investitorit qoftë në kapacitetin e tij sovran ose kontraktual, lufta ose revolucionet, përmytja, tërmeti, epidemitë, shtrëngime të karantinës dhe embargo tranziti.

16.4. Nëse ndodh ndonjë situatë e Forcës Madhore, Sipërmarrësi duhet të njoftojë menjëherë Investitorin. Me përjashtim kur Investitori jep direktiva të ndryshme, Sipërmarrësi duhet të vazhdojë të zbatojë detyrimet e tij sipas kontratës në masën praktikisht të arsyeshme dhe duhet të kërkojë të gjitha mjetet e arsyeshme për zbatimin e kontratës deri që nuk pengohet nga Forca Madhore.

#### **Neni 17**

##### **Preventivi**

17.1. Preventivi do të përfshijë të gjitha zërat e punimeve me çmimet përkatëse të parashikuara në ofertë.

17.2. Preventivi do të përdoret për të llogaritur vlerën e kontratës. Sipërmarrësi paguhet me sasinë e punës së kryer sipas projektit, bazuar për çdo zë pune të preventivit.

17.3. Për zërat e reja, të paparashikuara në Preventiv përveç dokumentacionit përkatës paraqitet edhe analiza teknike për çdo zë të ri pune.

17.4. Nënzërat e punimeve për të cilat nuk është vënë çmim për njësi në ofertën e paraqitur, do të konsiderohen si të mbuluara nga vlerat e tjera të përfshira në kontratë.

#### **Neni 18**

##### **Negociatat dhe Amendamentet**

18.1. Palët nuk do të negociojnë ndryshime ose amendamente të asnjë elementi të kontratës që do të ndryshojë mjaftueshëm kushtet që kanë përbërë bazën e përzgjedhjes së Sipërmarrësit.

18.2. Asnjë amendament ose variacion tjetër i kontratës nuk do të jetë i vlefshëm pa qenë me shkrim, me datë dhe duke iu referuar shprehimisht kontratës. Çdo shtesë ose ndryshim Amendamenti do të jetë i vlefshëm vetëm në rast se nënshkruhet nga të dyja palët ose nga persona të autorizuar prej tyre.

18.3. Çdo heqje dore nga të drejtat, pushtetet ose ndreqjet që mund të bëhen nga palët sipas kontratës duhet të bëhen me shkrim, në të cilën të specifikohet data dhe të nënshkruhen nga pala ose nga një përfaqësues i autorizuar i palës që bën këtë dorëheqje dhe duhet të specifikojë të drejtën dhe masën në të cilën ajo lëshohet.

#### **Neni 19**

##### **Ndryshimi i Porosisë**

19.1 Kushtet e kontratës nuk janë subjekt rinegociimi dhe amendimi pas hyrjes në fuqi, bëhet vetëm me përjashtim kur lejohet specifikisht dhe parashikohet në kushtet e kontratës. Çdo amendament i kontratës duhet të bëhet me shkrim dhe i nënshkruar nga Investitori dhe Sipërmarrësi.

19.2 Ndertime shtesë mund të porositen vetëm në rethana të përcaktuar në LPP dhe me kusht që shtesa e kontratës të mos i kalojë 20% të çmimit origjinal të kontratës.

19.3 Investitori mund që në çdo kohë mund të porositë Sipërmarrësin të bëjë ndryshime brenda qëllimit të përgjithshëm të kontratës në secilën prej e sa më poshtë:

- Korrigjime në skicimin, vizatimin ose specifikimet e Ndërtimeve;
- Korrigjime në materiale;
- Korrigjime në sasi.

19.4. Përpara se të kërkojë një ndryshim, Investitori dhe Sipërmarrësi duhet të bien dakort për çdo ritje ose ulje të çmimit të kontratës dhe/ose ndryshim në skedimin e dorëzimit ose përfundimit që është shkaktuar nga ndryshimi. Porosia e ndryshuar duhet të trupëzojë amendamentet e marrëveshjes. Investitori





nuk ka të drejtë të nxjerrë pretendime për pajtimin me ndryshimin e porositur, përveç rregullimeve të siguruara në amendamentet e marrëveshjes.

19.5. Ndryshimi i porosisë nuk do të jetë i vlefshëm në se nuk formalizohet sipas kërkesave të Nenit 18 të kësaj kontrate.

19.6. Çdo ndryshim i urdhëruar nga Investitori, do të jetë detyrimisht objekt i një proces-verbali (urdhëri) me shkrim i firmosur nga Investitori. Këto urdhëra do të hartohen në bazë të një propozimi teknik nga ana e Investitorit dhe në bazë të llogarive përkatëse të bëra nga Sipërmarrësi dhe Mbikqyrësi i Punimeve, mbështetur në çmimin njësi për çdo zë pune të shprehur në preventiv.

19.7. Çdo ndryshim i cili sjell rritjen e vlerës së kontratës duhet të dokumentohet gjatë zbatimit të punimeve dhe pasi përgatitet dokumentacioni përkatës si preventivi shtesë, vizatime etj., i propozohet zyrtarisht entit që delegon fondin që të miratojë shtesën e vlerës së plotë si dhe për të gjetur burimet e financimit.

19.8. Nëse volumet përfundimtare të punimeve të kryera, ndryshojnë nga volumet në Preventiv dhe vlera e tyre është brenda preventivit të objektit dhe fondit rezervë të parashikuar në preventiv, Investitori ngarkon Mbikqyrësin për të verifikuar volumet dhe për të dokumentuar ndryshimet e mundëshme dhe mandej i miraton ato.

## **Neni 20**

### **Programi**

20.1. Brenda 5 ditëve nga nënshkrimi i kontratës Sipërmarrësi do t'i paraqesë për miratim Mbikqyrësit të Punimeve një program, në të cilin tregohet mënyra e kryerjes së punimeve dhe grafiku kohor. Sipërmarrësi do të realizojë programin sipas grafikut të parashikuar. Sipërmarrësi ka të drejtë t'i propozojë Mbikqyrësit të Punimeve ndryshime në grafikun e punimeve, duke i motivuar ato.

20.2. Në rast se mund ose lind nevoja e dorëzimit të pjesshëm të punimeve këto parashikohen në grafikun e punimeve ose në ndryshimet e propozuara dhe të miratuara nga Investitori.

## **Neni 21**

### **Korrigjimi i Difekteve**

21.1. Sa herë që gjatë periudhës së zhvillimit të punimeve, nga Mbikqyrësi konstatohet një difekt Sipërmarrësi është i detyruar ta korrigjojë atë brenda afatit që i lihet me shkrim, por jo më vonë se 15 ditë.

21.2. Gjatë periudhës së garancisë së punimeve Mbikqyrësi i punimeve do të njoftojë Sipërmarrësin lidhur me çdo difekt para mbarimit të kësaj periudhe. Për eliminimin e difekteve lihet një afat i cili saktësohet sipas çdo rasti konkret, por jo më shumë se 15 ditë.

21.3. Periudha e garancisë për difektet është **afati 24 muaj**. Me përfundimin e kësaj periudhe Sipërmarrësi paraqet kërkesën e kthimit të vlerës së garancisë së punimeve e cila është mbajtur nga Investitori. Ky i fundit, brenda 10 ditëve organizon vizitën në terren ku kontrollohen realizimet e detyrave të lëna nga korrigjimi i difekteve të lindura gjatë periudhës së garancisë së punimeve. Nëse janë kryer gjithë korrigjimet e difekteve atëherë hartohet akti përkatës i marrjes në dorëzim të objektit dhe që shënon përfundimin e detyrimeve reciproke të kontratës së sipërmarrjes dhe asaj të mbikqyrjes së punimeve.

## **Neni 22**

### **Difektet e Pakorrigjuara**

22.1. Në qoftë se Sipërmarrësi nuk korrigjon difektet e konstatuara në periudhën e garancisë së difekteve, brenda afatit të përcaktuar Investitori do të vlerësojë koston e korrigjimit të difektit, dhe Sipërmarrësi do të paguajë këtë shumë, së bashku me një gjobë të veçantë e cila do të jetë 0.04% të vlerës së kontraktuar për çdo ditë vonesë. Investitori do të mbajë këtë shumë duke e zbritur nga garancia e punimeve e cila është mbajtur progresivisht në situacione.

22.2. Nëse me përfundimin e periudhës së garancisë Sipërmarrësi nuk ka korrigjuar difektet e konstatuara, Investitori i zbrit nga garancia deri në konfiskimin e krejt garancisë së punimeve.





## Neni 23

### Situacionet

23.1. Sipërmarrësi do t'i paraqesë Mbikqyrësit të Punimeve brenda 5 ditëve të para të çdo muaji situacionet mujore progresive për punimet e kryera, duke zbritur pagesat e situacioneve të mëparshme, garancinë e difekteve, paradhënien etj., të kësaj natyre, sikurse përcaktohet në këtë kontratë.

23.2. Mbikqyrësi i Punimeve do të kontrollojë punën e kryer nga Sipërmarrësi dhe do të vërtetojë shumën që duhet t'i paguhet Sipërmarrësit brenda 10 ditëve nga paraqitja e situacionit. Gjatë kontrollit Mbikqyrësi përcakton vlerën e punimeve të kryera.

23.3. Vlera e punës së kryer do të përfshijë vlerën e volumeve të zërave të punimeve të përfunduara dhe të shprehura në preventiv, vlerën e ndryshimeve dhe të rasteve të kompesuara pa prekur fondin rezervë, i cili do të financiohet në situacionin përfundimtar në se ka dokumenta që argumentojnë përdorimin e tij.

## Neni 24

### Pagesat

24.1 Pagesat për çdo situacion punimesh do të kryhen nga Investitori brenda 30 ditëve nga dita e firmosjes së situacionit nga Mbikqyrësi i Punimeve. Pagesat e situacioneve do të kryhen në numrin e llogarisë bankare të shoqërisë MENI sh.p.k ne:

- Raiffeisen Bank me Nr 0100003702 dhe IBAN AL45202110130000000100003702
- BKT me Nr 411028790 dhe IBAN AL3120511117028790CLPRCLALLA

24.2. Pagesa e situacionit do të kryhet sipas financimit të parashikuar në nenin 3 të kësaj kontrate.

## Neni 25

### Rastet e Kompesuara

25.1. Rastet e kompesuara për të cilat vonesa justifikohet do të konsiderohen si vijojnë:

- a) Mbikqyrësi i Punimeve urdhëron shtyrjen ose nuk jep skicat (vizatimet) specifikimet ose udhëzimet e nevojshme për kryerjen e punimeve në kohën e caktuar;
- b) Mbikqyrësi i Punimeve udhëzon Sipërmarrësin për të zbuluar punimet e fshehta ose për të kryer provat pas kryerjes së punimeve;
- c) Autoritetet Publike ose Investitori shkaktojnë vonesa në lirimimin e sheshit të ndërtimit për Sipërmarrësin;
- d) Investitori vonon, pa arsye, lëshimin e certifikatës së marrjes në dorëzim

25.2. Kompensimi i rasteve të sipërpërmendura do të bëhet si vijon:

Për vonesat e përmendura në pikat 25.1 (a,b,c,d) Investitori do të njohë shtyrjen e datës së përfundimit të punimeve mbi atë të parashikuar në këtë kontratë.

## Neni 26

### Taksat

26.1. Sipërmarrësi është i detyruar të paguajë të gjitha taksat në përputhje me Legjislacionin Shqiptar.

26.2. Për taksat e përcaktuara në legjislacionin që ka hyrë në fuqi 28 ditë para datës së hapjes së tenderit, të cilat Sipërmarrësi duhet t'i ketë marrë parasysh në vlerën e kontratës, Investitori nuk do t'i njohë asnjë shtesë pagese.

## Neni 27

### Dëmshpërblimi për Vonesat



27.1 Sipërmarrësi do t'i paguajë Investitorit dëmshpërblimin për vonesa në mbarimin e punimeve sipas tarifës të mëposhtme ditore:

-tarifa ditore do të jetë 4/1000 të vlerës koresponduese të mbetur pa u zbatuar nga cmimi total i kontratës por kjo vlerë do të llogaritet minimalisht mbi 25% të vlerës së kontratës.

27.2. Investitori do të zbrisë dëmshpërblimin për vonesat nga pagesa e fundit e Sipërmarrësit.

### **Neni 28**

#### **Garancia e Difekteve**

28.1. Garancia e difekteve do të jetë 5% e vlerës së kontratës që do t'i mbahet nga çdo situacion Sipërmarrësit si garanci për cilësinë e punimeve, shumë e cila do të paguhet mbas përfundimit të periudhës së garancisë së punimeve, duke marrë parasysh edhe sanksionet e parashikuara në pikën 22 të kësaj kontrate.

### **Neni 29**

#### **Kostoja e Riparimeve**

29.1. Dëmtimi i punimeve ose humbja e materialeve që do të përdoren për punimet nga dita e fillimit deri në marrjen në dorëzim, si dhe gjatë afatit të garancisë së difekteve do të mbulohet nga Sipërmarrësi me shpenzimet e tij nëqoftëse humbja ose dëmtimi janë shkaktuar nga gabimet e veprimeve të tij.

29.2. Riparimet që dalin të nevojshme gjatë kolaudimit të veprës, nëse janë për shkak të mosplotësisimit të kontratës ose të punës jo cilësore të Sipërmarrësit, do të mbulohen nga ky i fundit me shpenzimet e tij.

### **Neni 30**

#### **Marrja në Dorëzim e Punimeve**

30.1. Sipërmarrësi pas përfundimit të punimeve njofton me shkrim Mbikqyresin e Punimeve dhe Investitorin. Nëse Mbikqyresi nuk ka vërejtje ky njoftim shënon datën e përfundimit të punimeve. Sipërmarrësi pas njoftimit të përfundimit të punimeve i paraqet brenda 30 ditëve Mbikqyresit të Punimeve dokumentacionin dhe llogaritjet përfundimtare për punimet e kryera. Mbikqyresi i Punimeve, mbas verifikimeve, brenda 30 ditëve së bashku me relacionin e tij ia paraqet të gjithë dokumentacionin Investitorit.

30.2 Mbas marrjes së gjithë dokumentacionit Investitori i paraqet komisionit të kolaudimit të gjithë dokumentacionin e realizimit të objektit. Me përfundimin e procedurave të kolaudimit Investitori leshon certifikatën e marrjes në dorëzim të punimeve të kryera dhe do të cilirojë garancinë e sigurimit të kontratës. Nga data e akt-kolaudimit të punimeve fillon periudha e garancisë së punimeve.

30.3 Në fund të periudhës së garancisë së punimeve, Mbikqyresi i Punimeve dhe komisioni i marrjes në dorëzim të objektit do të përpilojnë së bashku me Investitorin aktin e marrjes në dorëzim të veprës, objekt i kësaj kontrate.

### **Neni 31**

#### **Zgjidhja e Kontrates**

31.1 Investitori ose Sipërmarrësi mund të zgjidhin kontratën kur verën shkelje themelore të saj.

31.2 Shkelje themelore të kontratës përfshijnë por nuk kufizohen në sa vijon:

a) Sipërmarrësi nuk fillon punën brenda 5 ditëve nga neneshkrimi i kontratës si edhe në rastet kur ndalohen punimet me shumë se 10 ditë, kur nuk parashikohet në programin e punës dhe ndalimi i punimeve nuk është i autorizuar nga Mbikqyresi i Punimeve dhe nuk respektohet grafiku i punimeve.

b) Mbikqyresi i Punimeve udhezoi pezullimin e punimeve, duke njoftuar Investitorin dhe Sipërmarrësin.

c) Sipërmarrësi falimenton ose fillon likuidimin për arsye të tjera përveç rindertimit ose bashkimit të shoqërisë.

d) Sipërmarrësi vonon kryerjen e punimeve dhe nuk realizon korrigjimet e defekteve të propozuara nga Mbikqyresi i Punimeve.



### Neni 32

#### Pagesa pas Zgjidhjes se Kontrates

32.1 Ne rast se kontata priset nga Investitori per arsye objektive, Mbikqyresi i Punimeve do te leshoje nje certifikate per vleren e punes se kryer duke zbritur pagesat e marra deri ne daten e leshimit te certifikates.



### Neni 33

#### Ndërprerja për Mosplotësim

33.1 Autoriteti Kontraktor mund të ndërpresë kontratën në tërësi ose pjesërisht nëse:

- a) kontraktori dështon në kryerjen e Punëve brenda periudhës së specifikuar në kontratë ose brenda zgjatjes së dhënë; ose,
- b) kontraktori dështon të zbatojë ndonjë detyrim tjetër të kontratës.

33.2 Autoriteti Kontraktor duhet t'i japi kontraktorit njoftim me shkrim për ndërprerjen për mosplotësim dhe t'i japi kontraktorit 15 ditë të ndreqë mosplotësimin me përjashtim kur ndërprerja është bërë për veprime të korruptuara ose të paligjshme, rast në të cilin ndërprerja do të jetë e menjëhershme.

33.3 Të gjitha materialet, Ngritja e Kantierit dhe Punët e përfundura do të bëhen pronë e Autoriteti Kontraktor nëse kontrata ndërpritet për mosplotësim të kushteve të saj

### Neni 34

#### Ndërprerja për Shkak të Falimentimit

34.1 Autoriteti Kontraktor mund të ndërpresë kontratën në çdo kohë nëse kontraktori falimenton ose bëhet i paafte të paguajë.

34.2 Autoriteti Kontraktor duhet t'i japi kontraktorit njoftim me shkrim për ndërprerjen.

### Neni 35

#### Ndërprerja për Shkak të Interesit Publik

35.1 Autoriteti Kontraktor mund të ndërpresë kontratën në çdo kohë nëse gjykon se ky veprim duhet ndërmarrë për t'i shërbyer sa më mirë interesit publik.

35.2 Autoriteti Kontraktor duhet t'i japi kontraktorit lajmërim me shkrim për ndërprerjen.

35.3 Autoriteti Kontraktor duhet të paguajë kontraktorin për të gjitha Punët e pranuar dhe të kryera përpara ndërprerjes dhe duhet t'i paguajë kontraktorit dëmet e shkaktuara për kryerjen e pjeshme të Punëve. Në llogaritjen e shumës së dëmeve, kontraktori do të kërkohet të ndërmarrë të gjitha veprimet e nevojshme për të minimizuar dëmet.

### Neni 36

#### Pasuria

36.1 Te gjitha punimet e kryera dhe materialet e montuara per realizimin e objektit do te konsiderohen si prone e Investitorit ne rast prishje te kontrates.

### Neni 37

#### Zgjidhja e Mosmaveshjeve



37.1 Investitori dhe Sipermarresi do të zgjidhin me mirekuptim cdo mosmarrveshje që do të lindë gjatë realizimit të kësaj kontrate.

37.2 Në rast se palet nuk bien dakort atëherë për sqarimin e mosmarrveshjes me mirekuptim atëherë palet do të drejtohen Gjykatës së Shkalles së Parë të Rrethit Gjyqësor Korçë.

### Neni 38

#### Garancia e Kontrates

38.1 Garancia e kontrates do të jetë 10% e vlerës së kontrates.

38.2 Shuma e sigurimit të kontrates duhet të paguhet Autoriteti Kontraktor si kompensim për çdo humbje të rezultuar nga dështimi i kontraktori në plotësimin e detyrimeve të tij sipas kontratës.

### Neni 39

#### Dispozita të Fundit

Kjo kontratë u hartua në 6 (gjashtë) kopje, nga të cilat një për Dosjen e Prokurimit, një për Drejtorinë e Menaxhimit të Kontratave një për Drejtorinë e Planifikimit dhe Kontrollit të Zhvillimit të Teritorit, një për Drejtorinë e Financës një për veprimet me Thesarin dhe të tjerat për Furnizuesin.

Personi përgjegjës i cili do të ndjekë zbatimin e kontratës në përputhje me kriteret dhe kushtet e vendosura në të është Drejtori i Drejtorisë të Menaxhimit të Kontratave.

#### SIPERMARRESI

Bashkimi i shoqërive "MENI" sh.p.k

dhe "ED KONSTRUKSION" sh.p.k

perfaqesuar nga :

Administratori i shoqërisë "MENI" sh.p.k

  
NIAT LIÇI



Administratori i shoqërisë "ED KONSTRUKSION" sh.p.k

  
ALFRED IBRAHIMI

#### INVESTITORI

BASHKIA KORÇE

perfaqesuar nga

KRYETARI

  
SOTIRAG FILO

